



Komunikado di prensa

30 di yanüari 2026

Konstelashon nobo di e Kolegionan di supervishon finansiero

Willemstad – Riba 30 di yanüari 2026, Konseho di Minister (di Reino) a bai di akuerdo ku e nombramentu di prof. dr. Paul Hilbers komo miembro nobo di e tres Kolegionan, riba proposishon di Hulanda. Señor Hilbers ta susesor di señor Hans Hoogervorst. Anteriormente, riba 31 di òktober 2025, Konseho di Minister (di Reino) a nombra drs. Hans Hoogervorst komo Presidente di e tres Kolegio di supervishon finansiero (Cft), komo susesor di Lidewijde Ongerling, kende a okupá e funshon di Presidente pa tres aña. Tantu Paul Hilbers komo Hans Hoogervorst ta kuminsá den nan funshon nobo entrante promé di febrüari 2026.

Despues di a studia matemátika na Rijksuniversiteit Utrecht i ekonometria i ekonomia internashonal na Vrije Universiteit Amsterdam, Paul Hilbers a desaroyá un karera den sektor finansiero. Den e periodo ei, e tabata asosiá pa hopi tempu na Nederlandsche Bank, entre otro komo Direktor di Supervishon di Polítika i Direktor di Stabilidat Finansiero.

Banda di esaki, Hilbers a desempeñá vários funshon serka Fondo Monetario Internashonal (IMF) na Washington, mas resientemente komo miembro di e Hunta Ehekutivo, un posishon ku el a okupá te na final di 2024. E ta profesor emérito na Nyenrode Business Universiteit i e ta outor di numeroso publikashon nashonal i internashonal tokante di maneho makroekonómiko, finansa gubernamental, supervishon riba e sektor finansiero i relashonnan ekonómiko internashonal.

Presidente saliente Lidewijde Ongerling ta deseá tantu Hans Hoogervorst komo Paul Hilbers hopi éksito den nan funshon nobo.

[Fin di komunikado di prensa]

Potrètnan:

Cft i kolekshon propio

Deskripsjon di potrèt:

Entrante promé di febrüari 2026, drs. Hans Hoogervorst ta Presidente nobo i prof. dr. Paul Hilbers ta miembro nobo di e Kolegionan di supervishon finansiero riba proposishon di Hulanda.

Nota pa e redakshon– no publiká

Persona di kontakto di Cft:

Sekretariado di Kolegio di supervishon finansiero

Telefòn +5999 461-9081/ +5999 461-9082 / +5999 461-9084

Koreo elektróniko info@cft.cw

Wèpsait www.cft.cw

Kontaktonan di prensa:

Jefka Alberto

Telefòn (+5999) 512-6861